

## Քաղաքացիական դատավարություն

Տիգրան ՄԱՐԿՈՍՅԱՆ

ԵՊՀ քաղաքացիական դատավարության ամբիոնի ասպիրանտ

**ՆՈՐ ԵՐԵՎԱՆ ԵԿԱԾ ՀԱՆԳԱՄԱՆՔՆԵՐՈՎ ԴԱՏԱԿԱՆ ԱԿՏԵՐԻ**

**ՎԵՐԱՆԱՅՄԱՆ ՎԱՐՈՒՅԹԻ ԶԵՎԱԿԱՆ ՆԱԽԱՂՐՅԱԼԵՐԸ**

**Ն**որ երևան եկած հանգամանքներով դատական ակտերի վերանայման վարույթի հարուցման դատավարական միջոցն իրավասության անձանց կողմից ներկայացված բողոքն է, որի ձևին և բովանդակությանը ներկայացվող պահանջների ամբողջությունն էլ կազմում են քննարկվող վարույթի ձևական նախաղրյալները:

Հարկ է նշել, որ նախակինում, բացառությամբ Լիտվայի, մնացած խորհրդային հանրապետությունների, այդ թվում՝ Հայաստանի քաղաքացիական դատավարության օրենսգրքերն այս կապակցությամբ որևէ պահանջներ չին նախատեսում<sup>1</sup>: Արդյունքում անհրաժեշտ վավերապայմանների որոշումը հնարավոր էր լինում միայն դատավարական օրենքի համակարգային վերլուծության և տրամարանական եզրահանգումների միջոցով: Իսկ հարցի այս կերպ լուծումը, ինչպես նշում է Ա.Պ. Տոմինան, բավարարող չէ, քանի որ կարող է ազդեցի կողմերի մրցակցության և դատարանի վերջնական որոշման արդյունքների վրա<sup>2</sup>:

Ենթադրվում էր, որ ՀՀ քաղաքացիական դատավարության օրենսգրքի<sup>3</sup> (այսուհետ կրօնակ՝ «ՔԴՕ») ընդունման ժամանակ այս խնդիրը պետք է արժանանար անհրաժեշտ ուշադրության: Սակայն ՔԴՕ-ի ընդունմամբ ոչ միայն չամրագրվեց նոր երևան եկած հանգամանքներով դատական ակտերի վերանայման բողոքի ձևին և բովանդակությանը ներկայացվող առանձին պահանջներ, այլև ընդհանրապես անտեսվեց նոր երևան եկած հանգամանքներով դատական ակտերի վերանայման վարույթի ինքնուրույն գոյության իրավունքը՝ նոր երևան եկած հանգամանքները դիտարկելով միայն որպես վճռաբեկ բողոք

բերելու հիմքեր: Եվ միայն «ՀՀ քաղաքացիական դատավարության օրենսգրքում փոփոխություններ և լրացումներ կատարելու մասին» Հայաստանի Հանրապետության 2007 թվականի նոյեմբերի 28-ի թիվ ՀՕ-277-Ն օրենքի<sup>4</sup> ընդունմանը իրերի դրույթունը շուկվեց, և ՔԴՕ-ն առանձին լրացվեց նոր երևան եկած հանգամանքներով դատական ակտերի վերանայման դիմումի բովանդակությունը սահմանող 204<sup>12</sup>-րդ հոդվածով:

Ներկայումս նոր երևան եկած, ինչպես նաև նոր հանգամանքներով դատական ակտերի վերանայման բողոքին ներկայացվող պահանջները սահմանված են ՔԴՕ 204.36-րդ հոդվածում, որում, թեև ուղղակիորեն դրույթներ չկան բողոքի ձևի կապակցությամբ, սակայն, հետազոտվող վարույթը կարգավորող նորմերի համարված վերլուծությունը վկայում է, որ այն պետք է ներկայացվի գրավող ձևով:

ՔԴՕ 204.36-րդ հոդվածը սահմանում է, որ նոր երևան եկած հանգամանքներով դատական ակտերի վերանայման բողոքը պետք է պարունակի՝ 1) այն դատարանի անվանումը, որին բողոքը հասցեազրկում է, 2) վերանայման ենթակա դատական ակտի կայացման տարին, ամիսը, ամսաթիվը, 3) դատական ակտի վերանայման հիմք դարձած նոր երևան եկած կամ նոր հանգամանքի շարադրանքը, 4) բողոքով ներկայացվող պահանջը՝ ըստ համապատասխան նոր երևան եկած կամ նոր հանգամանքի, 5) բողոք ներկայացրած անձի անունը, ազգանունը (անվանումը), 6) բողոքին կցվող փաստարդերի ցանկը:

Ինչպես բխում է վերոգրյալից, օրենսդիրը, որպես բողոքի բովանդակային տարր, չի ամրագրել բողոք բերող անձի բնակության (գտնվելու) վայրի հասցեի մասին տե-

## Քաղաքացիական դատավարություն

ղեկությունները: Եվ եթե վերաբննիշ կամ վճռաբեկ բողոքների դեպքում այսպիսի տեղեկությունները կարող են հիմնականում անհրաժեշտ չլինել, քանի որ վերաբննիշ և վճռաբեկ վարույթները ժամանակային առումով, որպես կանոն, կրում են շարունակական բնույթ, ապա նոր երևան եկած հանգամանքներով դատական ակտերի վերանայման վարույթի դեպքում, մեր կարծիքով, իրավիճակն այս է:

Մասնավորապես, հաշվի առնելով այն, որ այս վարույթի հարուցումը թույլատրելի է դատական ակտի օրինական ուժի մեջ մտնելոց հետո մինչև քան տարին լրանալը՝ ակնհայտ է, որ այդ ժամանակահատվածում ողջամտորեն հնարավոր է բողոք բերող անձի հասցեի փոփոխություն: Իսկ բոլոր այն դեպքերում, եթե բողոքարկման նախաձեռնություն են ցուցաբերում գործին մասնակցող անձանց իրավահաջորդները և գործի քննությանը մասնակցություն չունեցած դատախազությունը, ապա հասկանալի է, որ նրանց կողմից իրենց հասցեները հայտնելու պարտականության նախատեսումն ավելի, քան անհրաժեշտ է: Հետևապես, կարելի է համաձայնել Ա.Բ. Բորիսովայի այն կարծիքի հետ, որ բողոքը պետք է պարունակի, ի թիվս այլ տեղեկությունների, նաև բողոք բերող անձի բնակության կամ գտնվելու վայրի հասցեն<sup>5</sup>:

Մասնագիտական գրականությամ մեջ որպես նոր երևան եկած հանգամանքներով դատական ակտի վերանայման բողոքին ներկայացվող պահանջ է դիտարկվում գործի համարը և դատական ակտը կայացրած դատարանի անվանումը<sup>6</sup>: Դատական գործի համարը, ՀՀ դատարանների նախագահների խորհրդի «Հայաստանի Հանրապետության դատարանների գործավարության կանոնները հաստատելու մասին» 2007 թվականի դեկտեմբերի 21-ի թիվ 23-Լ որոշմանք հաստատված 4-րդ հավելվածի 1-ին կետի համաձայն, իր մեջ ներառում է դատարանի ծածկագիրը, դատական գործի գրանցման հերթական համարը, դատական գործի հերթական տեսակի ծածկագիրը և դատական գործի ստաց-

ման ժամանակը: Այսինքն՝ այն իրենից ներկայացնում է դատական գործն անհատականացնող տեղեկությունների համակցություն: Իսկ դատական ակտը կայացրած դատարանի անվանման հիշատակումը որոշակիացնում է բողոքարկման օբյեկտը և առերևույթը բույլ տախու լուծել այն հարցը, թե արդյոք բողոքը հասցեագրված է համապատասխան դատարանին:

Հենց այս պարզ իրողությունից ենելով է օրենսդիրը վերաբննիշ և վճռաբեկ բողոքների կապակցությամբ, ի թիվս այլ տեղեկությունների, դատական գործի համարը և բողոքարկվող դատական ակտը կայացրած դատարանի անվանումը նշելը համարում պարտադիր (ԶԴՕ 210-րդ հոդված, 1-ին մաս, 3-րդ կետ և 231-րդ հոդված, 1-ին մաս, 3-րդ կետ): Սինչելու ԶԴՕ-ն, շեղվելով իրավակարգավորման այս ընդհանուր տրամադրանությունից, անհասկանալի պատճառներով, որպես նոր երևան եկած հանգամանքներով դատական ակտի վերանայման բողոքում ներառվող տեղեկություն, չի նախատեսել գործի համարը և դատական ակտը կայացրած դատարանի անվանումը, ինչը, բնականաբար, ենթակա է շտկնան:

Գործող դատավարական օրենքի բացքումներից մեկն էլ կարելի է համարել այն, որ օրենսդիրը, ամրագրելով նոր երևան եկած հանգամանքներով դատական ակտերի վերանայման բողոքին կից նոր երևան եկած հանգամանքներով դատական ակտերի վերանայման բողոքին: Իսկ այդ հանգամանքը կարող է խնդիրներ առաջացնել իրավունքի սուբյեկտների կողմից դատական ակտերի վերանայման իրենց իրավունքն արդյունավետություն իրացնելիս, քանի որ ԶԴՕ 204.37-րդ հոդվածի 4-րդ մասը, ի թիվս այլ դեպքերի, բողոքը վերադարձնելու հիմք է դիտարկում դրա բովանդակությանը ներկայացվող պահանջների չպահպանումը, այդ բվում՝ կից ներկայացվող փաստաթղթերի ցանկը չնշելը:

## Քաղաքացիական դատավարություն

Իհարկե, խնդիրը որոշակիորեն մեղմում է ՀԴՕ 204.38-րդ հոդվածի 1-ին մասի հրավակարգավորումը, որը թույլ է տալիս նոր և նոր երևան եկած հանգամանքներով դատական ակտերի վերանայման վարույթի վրա տարածել ՀԴՕ ընդհանուր դրույթները, եթե քննարկվող վարույթի վերաբերյալ առանձնահատող կանոններ նախատեսված չեն: Այդուհանդերձ, վերաբերնիշ և վճռարեկ բողոքների բովանդակության վերաբերյալ դրույթների մեխանիզմական կիրառման դեպքում կարող են անտեսվել նոր երևան եկած հանգամանքներով վերանայման բողոքի բովանդակային առանձնահատկությունները: Դրա հետ մեկտեղ, հենց այդ առանձնահատկությունների ուժով նոր երևան եկած հանգամանքներով դատական ակտերի վերանայման բողոքին կից ներկայացվող փաստարդերի մի մասը նախատեսված չէ վերաբերնիշ և վճռարեկ բողոքների վերաբերյալ իրավակարգավորումներում, ինչի պատճառով էլ ՀԴՕ-ի «ընդհանուր դրույթներ»-ի սուբյեկտիվ կիրառումը չի կարող նապատել խնդրի լիարժեք լուծմանը:

Նման պայմաններում տեսական և գործնական մեծ կարևորություն է ստանում այն հարցի պատասխանը, թե ինչպիսի փաստարդեր պետք է կցվեն վերանայման բողոքին:

Նոր երևան եկած հանգամանքներով դատական ակտերի վերանայման բողոքը, ինչպես և մյուս դատավարական փաստարդերն իրավական հետևանքներ առաջացնելու համար պետք է ստորագրված լինեն իրավասու անձանց կողմից: Հետևաբար, բոլոր այն դեպքերում, երբ նշված բողոքը ստորագրվում է ներկայացուցչի կողմից, ապա բողոքին պետք է կցվեն նրա լիազորությունները հավաստող փաստարդեր<sup>7</sup>:

Ի տարբերություն վերաբերնիշ և վճռարեկ բողոքների, որոնք հանդիսանում են պետական տուրքի գանձման օբյեկտ՝ նոր երևան եկած հանգամանքներով դատական ակտի վերանայման բողոք բերողներին օրենսդիրն ազատել է պետական

տուրքի վճարումից («Պետական տուրքի մասին» ՀՀ օրենքի<sup>8</sup> 22-րդ հոդված, 1-ին մաս, «ք» կետ): Դա բացատրվում է նրանով, որ քննարկվող վարույթի շրջանակներում պետությունը՝ ի դեմս դատարանների, կատարում է ոչ թե նոր գործողություններ, այլ լրացնում է նախկին գործողության՝ հայցադիմումի կամ բողոքի քննության ժամանակ օբյեկտիվ պատճառներով տեղ գտած բերույթյունները: Ըստ էուրյան, դա է նկատի ունեցել ՀՀ սահմանադրական դատարանը հետևյալ դիրքորոշումը ձևակերպելիս: «Նշված դեպքերում պետական տուրք վճարելու պարտականության բացակայությունը պայմանավորված է այն տրամաբանությամբ, որի համաձայն՝ դատարանի կողմից կատարվող գործողությունը, որպես պետական տուրքի գանձման օբյեկտ, թելադրված է օբյեկտիվորեն փաստված իրավական անհրաժեշտությամբ...»<sup>9</sup>:

Վերոգրյալի համատեքստում ուշադրույթան է արժանի «Պետական տուրքի մասին» ՀՀ օրենքի 22-րդ հոդվածի 1-ին մասի «ք» կետի այն ձևակերպումը, ըստ որի՝ նոր երևան եկած հանգամանքներով դատական ակտերի վերանայման բողոքներով պետական տուրքի վճարումից ազատված են միայն ֆիզիկական անձինք և ոչ առևտրային կազմակերպությունները: Աղյունքում ստացվում է, որ առևտրային իրավաբանական անձինք կրում են նոր երևան եկած հանգամանքներով դատական ակտերի վերանայման բողոք ներկայացնելու համար պետական տուրք վճարելու պարտականությունը, ինչը, մեր կարծիքով, հակասում է ոչ միայն նոր երևան եկած հանգամանքներով դատական ակտերի վերանայման վարույթի եռթյանը, այլև համատեղելի չէ օրենքի առջև իրավահավասարության սկզբունքի հետ: Հետևաբար, անհրաժեշտ է քննարկվող դրույթից հանել սուբյեկտային սահմանափակում նախատեսող ձևակերպումները:

Այսպիսով, չնայած վերաբերնիշ և վճռարեկ բողոքներին կից ներկայացվող փաստարդերի ցանկի վերաբերյալ դրույթները

## Քաղաքացիական դատավարություն

ՔԴՕ 204.38-րդ հոդվածի 1-ին մասի ուժով կիրառելի են նաև նոր երևան եկած հանգամանքներով դատական ակտերի վերանայման բողոքի կապակցությամբ, այնուամենայնիվ, վերջին դեպքում պետական տուրքի վճարման մասին ապացույցի ներկայացման անհրաժեշտությունը բացակայում է:

Միջազգային փորձի ուսումնասիրությունը ցոյց է տախս, որ որոշ երկրների դատավարական օրենսդրությունները նախատեսում են նոր երևան եկած հանգամանքներով դատական ակտի վերանայման բողոքում (հայցադիմում, դիմում և այլն) այն ապացույցները կցելու պահանջ, որոնցով հավաստվում են նոր երևան եկած հանգամանքները: Այսպես, օրինակ, Գերմանիայի՝ Դաշնային Հանրապետության քաղաքացիական դատավարության կանոնագրի 558-րդ պարագանի 2-ին մասի համաձայն՝ գործի նորոգման մասին հայցադիմումին պետք է կցվեն այն փաստաթերթի բնօրինակները կամ պատճենները, որոնց վրա հիմնվում է այդ հայցադիմումը:

Հազախստանի՝ Հանրապետության քաղաքացիական դատավարության օրենսգրքի 406.1-րդ հոդվածի 4-րդ մասը սահմանում է, որ դատական ակտը նոր երևան եկած հանգամանքներով վերանայելու մասին դիմումին, ի թիվս այլ փաստաթերթի, պետք է կցվեն նաև նոր երևան եկած հանգամանքները հաստատող փաստաթերթի պատճենները: Նման դրույց է պարունակում նաև Ռուսաստանի՝ Դաշնության արքիտրաֆային դատավարության օրենսգրքի 313-րդ հոդվածը<sup>10</sup>:

Այս կապակցությամբ ոչշագրավ են գործող դատավարական օրենսդրության կարգավորումները: Բանն այն է, որ ՔԴՕ-ն, մի կողմից, չի ամրագրում բողոքում նոր երևան եկած հանգամանքները հաստատող ապացույցները նշելու և դրանք բողոքին կցելու պահանջ, սակայն մյուս կողմից՝ բողոք վերադարձնելու հիմք է դիտարկում այն դեպքը, եթե չի ներկայացվել նոր երևան եկած հանգամանքը հաստատող

ապացույց (ՔԴՕ 204.37-րդ հոդված, 4-րդ մաս, 5-րդ կետ): Ասվածից հետևում է, որ օրենսդրությամբ անուղղակիորեն նախատեսել է նոր երևան եկած հանգամանքները հաստատող ապացույցները բողոքին կից ներկայացնելու պարտականություն:

Ինչպես նշվեց, ՔԴՕ 204.31-րդ հոդվածի 1-ին մասը նոր երևան եկած հանգամանքներով դատական ակտերի վերանայման բողոք ներկայացնելու իրավունքով օժտել է նաև գործին մասնակցող անձանց իրավահաջորդներին: Եվ շնայած օրենքն այդ անձանց կողմից բողոքարկման իրավունքն իրացնելու կապակցությամբ որևէ հատուկ կանոններ չի ամրագրել, այնուամենայնիվ, ենեղով դատավարական իրավահաջորդության ինստիտուտի եռթյունից, այս դեպքում ևս դատարանին պետք է ներկայացվեն իրավահաջորդության փաստը հավաստող ապացույցներ (ժառանգության իրավունքի վկայագիր, պարտի փոխանցման պայմանագիր և այլն)<sup>11</sup>:

ՔԴՕ 204.37-րդ հոդվածի 4-րդ մասը նոր երևան եկած հանգամանքներով դատական ակտերի վերանայման բողոքը վերադարձնելու հիմք է համարում նաև այն դեպքը, եթե բողոքը ներկայացվել է օրենքով սահմանված ժամկետի խախտմամբ և բողոք ներկայացրած անձը միջնորդություն չի ներկայացրել դա վերականգնելու մասին: Այսպիսի դրույթի ամրագրումն այն իրավաչափ սահմանափակման տրամադրանական շարունակությունն է, ըստ որի՝ դատավարական գործողության ժամկետի լրանալը զրկում է անձին համապատասխան գործողությունը կատարելու հնարավորությունից, որը կարող է վերականգնվել ոչ այլ կերպ, քան դատարանի որոշմամբ՝ գործին մասնակցող անձանց դիմումի հիմն վրա (ՔԴՕ 77-րդ հոդված): Ասվածից հետևում է, որ նոր երևան եկած հանգամանքներով դատական ակտերի վերանայման բողոքին կից ներկայացվող փաստաթուղթ պետք է դիտարկել բաց բողնված ժամկետը հարգելի համարելու և այն վերականգնելու մասին միջնորդությունը բողոք այն դեպքերում, եթե բողոքը ներկայացվում

## Քաղաքացիական դատավարություն

Ե օրենքով սահմանված ժամկետը լրանալուց հետո:

Քանի որ քաղաքացիադատավարական օրենսդրությունն առանձին դրույքներ չի պարունակում նոր երևան եկած հանգամանքներով դատական ակտերի վերանայման բողոքի ներկայացման դատավարական կարգի վերաբերյալ, այս անհասկանայի է մնում այն հարցի պատասխանը, թե արդյոք բողոք բերած անձը կրում է գործին մասնակցող մյուս անձանց և՝ բողոքը, և կից փաստաբարդերն ուղարկելու և այդ մասին ապացույցը բողոքին կցելու պարտականություն:

Քանի այն է, որ նոր և նոր երևան եկած հանգամանքներով դատական ակտերի վերանայման վարույթը կարգավորող նորմերն այս կապակցությամբ չեն պարունակում որևէ կարգավորում, իսկ վերաքննիչ և վճռաբեկ վարույթների համապատասխան դրույթները, որոնք ՀԴՕ 204.38-րդ հոդվածի 1-ին մասի ուժով ենթակա են կիրառման, ունեն որոշակի տարրերություններ: Մասնավորապես, եթե երկու դեպքում ել բողոք բերող անձինք կրում են բողոքը գործին մասնակցող մյուս անձանց ուղարկելու և այդ մասին ապացույցը բողոքին կցելու պարտականություն (ՀԴՕ 211-րդ և 230-րդ հոդվածներ), ապա միայն վերաքննիչ բողոք ներկայացնելու է ամրագրված գործին մասնակցող մյուս անձանց նաև բողոքին կից ներկայացվող փաստաբարդերն ուղարկելու պահանջ: Ըստ որում, ննան տարրերությունների հիմքում դրված է այն տրամադրանությունը, որ վճռաբեկ դատարանի իրավասությունը սահմանափակվում է միայն իրավունքի հարցերի ուսումնապիտիքամբ<sup>12</sup>, իսկ վերաքննիչ դատարանում փաստի հարցերը քննարկման են ենթակա բացառիկ դեպքերում (ՀԴՕ 219-րդ հոդված):

Վերոգրյալի լույսի ներքո ստացվում է, որ նոր երևան եկած հանգամանքներով դատական ակտերի վերանայման բողոքին, ելնելով նրանից, թե որ ասյանին է ներկայացվում վերանայման բողոքը, պետք է կցվեն մի դեպքում բողոքը և կից

փաստաբարդերը, իսկ մյուս դեպքում՝ միայն բողոքը գործին մասնակցող անձանց ուղարկելու մասին ապացույցներ:

Մինչդեռ ննան մոտեցումը, մեր կարծիքով, համահունչ չէ նոր երևան եկած հանգամանքներով դատական ակտերի վերանայման վարույթի եռթյանը: Ասվածը պայմանավորված է այն իրողությամբ, որ, ի տարրերություն վերաքննիչ և վճռաբեկ վարույթների, նոր երևան եկած հանգամանքներով դատական ակտերի վերանայման ժամանակ քննարկման առարկա կարող են լինել բացառապես փաստի հարցեր: Այդ իսկ պատճառով, անկախ նրանից, թե որ դատական ատյանին է հասցեազրվում վերանայման բողոքը, հիմնավոր է թվում բողոք դեպքերում ոչ միայն բողոքը, այլև կից փաստաբարդը գործին մասնակցող մյուս անձանց ուղարկելու մասին ապացույց կցելու պարտականության նախատեսումը ՀԴՕ-ում: Ննան դիրքորոշումը բխում է նաև կողմերի իրավահավասարության սկզբունքը պահպանելու անհրաժեշտությունից, քանի որ, որպես կանոն, գործին մասնակցող մյուս անձինք չեն տիրապետում նոր երևան եկած հանգամանքները հաստատող փաստաբարդին<sup>13</sup>:

Կարծում ենք, որ նոր երևան եկած հանգամանքներով դատական ակտերի վերանայման բողոքին կցվող փաստաբարդի հարցը քննարկելու ուշադրության պետք է հրավիրել նաև ՀԴՕ-ում ամրագրված այն դրույթը, ըստ որի՝ բողոք ներկայացնելու բողոքի պատճենը պետք է ուղարկվի նաև ստորադաս դատարան, իսկ այդ մասին ապացույց՝ կցվի վերաքննիչ կամ վճռաբեկ բողոքին:

Անվիճակի է, որ այսպիսի պարտականության ամրագրումը կոչված է ապահովելու անձի՝ ողջամիտ ժամկետում գործի քննության իրավունքը, քանի որ բողոք բերած անձի կողմից ուղարկված բողոքը ստանալուց հետո դատական ակտը կայացրած դատարանի մոտ առաջանում է դատական գործը համապատասխանաբար վերաքննիչ և վճռաբեկ դատարան ուղարկելու պարտականություն (ՀԴՕ 209-րդ հոդված,

## Քաղաքացիական դատավարություն



2-րդ մաս և 230-րդ հոդված, 2-րդ մաս): Սակայն նոր երևան եկած հանգամանքները կարգավորող դրույթների համեմատական վերլուծությունը ցույց է տալիս, որ գործը վերադաս դատարան ուղարկելու պարտականությունը դատնում է անիրազրժելի, իսկ բողոքը դատական ակտը կայացրած դատարանին ուղարկելը՝ ինքնանապատակ այն դեպքում, եթե նոր երևան եկած հանգամանքներով բողոքը է բերվում հենց վճռաբեկ դատարանի կողմից կայացված դատական ակտերի դեմ:

Ամփոփելով վերոգրյալը՝ առաջարկում ենք ՀԴՕ 204.36-րդ հոդվածը շարադրել հետևյալ խմբագրությամբ.

### «Հոդված 204.36. Բողոքի ձևը և բովանդակությունը»

1. Նոր երևան եկած կամ նոր հանգամանքներով դատական ակտերի վերանայման բողոքը ներկայացվում է գրավոր, որը պետք է պարունակի՝

1) այն դատարանի անվանումը, որին բողոքը հասցեազրվում է.

2) բողոքը բերող անձի և գործին մասնակցող անձանց անունները (անվանումները), նրանց բնակության (գտնվելու վայրի) հասցեները.

3) դատարանի անվանումը, որի կայացրած դատական ակտի դեմ բերվում է բողոքը, գործի համարը և դատական ակտի կայացման տարին, ամիսը, ամսաթիվ.

4) դատական ակտի վերանայման հիմք հանդիսացող նոր երևան եկած կամ նոր հանգամանքի շարադր և հիմնավորումը, թե ինչո՞ւ է այն հիմք դատական ակտի վերանայման համար.

5) բողոքը բերող անձի պահանջը.

1. **Мельников А.А. и др.**, Курс советского гражданского процессуального права. Том II. М., Изд-во «Наука», 1981, с. 317-318.

2. **Томина А.П.** Принцип состязательности на стадиях проверки судебных постановлений в гражданском процессе. Дис. ... к.ю.н. М., 2008, с. 140-141.

3. Հնարին 17.06.1998թ.: Տես ՀՀՊՏ 1998.09/20(53):

4. ՀՀՊՏ 2007.12.26/66(590) Հոդ. 1330:

5. **Борисов А.Б.** Комментарий к гражданскому процессуальному кодексу РФ (постатейный). М., Книжный мир, 2009, с. 495.

6. Гражданский процесс. Учебник /Под. ред. В.А. Мусина, Н.А. Чечиной, Д.М. Чечота. М., «ПРОСПЕКТ», 1997, с. 368.

7. **Женетиль С.З., Никифоров А.В.** Гражданский процесс:

6) բողոքին կցվող փաստաթղթերի ցանկը.

7) բողոքը բերած անձի կամ նրա ներկայացուցիչ ստորագրությունը:

#### 2. Բողոքին կցվում են՝

1) ներկայացուցիչ լիազորությունները հավաստող փաստաթղթը, եթե այն առկա չէ դատական գործում և բողոքը ստորագրվել է ներկայացուցիչ կողմից.

2) նոր երևան եկած կամ նոր հանգամանքները հաստատող ապացույցներ՝ բացառությամբ այն դեպքերի, եթե բողոքը բերվել է սույն օրենսգրքի 204.33-րդ հոդվածի 1-ին և 5-րդ կետերում նախատեսված հանգամանքների հիմքով.

3) իրավահաջորդության փաստը հավաստող փաստաթղթը, եթե բողոքը ներկայացվում է գործին մասնակցող անձի իրավահաջորդի կողմից.

4) բողոքը ներկայացնելու ժամկետը վերականգնելու մասին միջնորդություն, եթե բողոքը ներկայացվել է սույն օրենսգրքի 204.34-րդ հոդվածի 1-ին մասով նախատեսված ժամկետի խախտմամբ.

5) բողոքը դատական ակտ կայացրած դատարանին ուղարկելու մասին ապացույց՝ բացառությամբ այն դեպքի, եթե բողոքը բերվում է վճռաբեկ դատարանի դատական ակտի դեմ.

6) բողոքը և կից փաստաթղթերի պատճենները գործին մասնակցող այլ անձանց ուղարկելու մասին ապացույցներ:

3. Սույն հոդվածի 2-րդ մասում նախատեսված, ինչպես նաև բողոքը բերող անձի այլ միջնորդությունները կարող են ներկայացվել նաև բողոքում ներառվելու ձևով:»:

Учебник. — 3-е изд. М., РИОР:ИНФРА-М, 2012, с. 365.

8. Հերմինել է 27.12.1997թ.: Տես ՀՀՊՏ 1998.01.11/1:

9. ՀՀ սահմանադրական դատարանի 2010 թվականի մայիսի 25-ի թիվ ՍԴԼ-890 դրույթը (ՀՀՊՏ 2010.06.09/25(759) Հոդ. 612):

10. Рыжаков А.П., Комментарий к Арбитражному процессуальному кодексу Российской Федерации (постатейный)/ А.П. Рыжаков. — М.: Дело и Сервис, 2011, с. 424-425.

11. Гражданский процесс/ И.В. Решетникова, В.В. Ярков. — 6-е изд., перераб. М., Норма: Инфра-М, 2012, с. 64.

12. Սարդի իրավունքների եղուական դատարանի «*Անդրես* ՍՊԸ-ն և Սարգս Սովետայան ընդիմ Հայաստանի» գործը 2008 թվականի հունիսի 17-ի վճռող, կետ 88 (ՀՀՊՏ 2009.02.11/8(674)):

13. Арбитражный процесс: компендium / отв. ред. В.В. Ярков. М., Изд-во «Инфотропик Медиа», 2011, с. 314.